

四庫全書

集部

欽定四庫全書

集部

花間集

目錄
卷一至

詳校官編修臣周瓊

侍讀臣孫球覆勘

總校官庶吉士臣張能照

校對官編修臣裴謙

謄錄監生臣倪時慶

欽定四庫全書

集部十

花間集目錄

詞曲類二 詞選之屬

卷一

溫庭筠五十首

菩薩蠻十四首

更漏子六首

歸國遙二首

酒泉子四首

定西番三首

楊柳枝八首

南歌子七首

河瀆神三首

女冠子二首

玉胡蝶一首

卷二

溫庭筠十六首

清平樂二首

遐方怨二首

訴衷情一首

思帝鄉一首

夢江南二首

河傳三首

蕃女怨二首

荷葉盃三首

皇甫松十一首

天仙子二首

浪濤沙二首

楊柳枝二首

摘得新二首

夢江南二首

採蓮子一首

韋莊二十二首

浣溪沙五首

菩薩蠻五首

歸國遙三首

應天長二首

荷葉盃二首

清平樂四首

望遠行一首

卷三

韋莊二十五首

謁金門二首

江城子二首

河傳三首

天仙子五首

喜遷鶯二首

思帝鄉二首

訴衷情二首

上行盃二首

女冠子二首

更漏子一首

酒泉子一首

木蘭花一首

小重山一首

薛昭蘊十九首

浣溪沙八首

喜遷鶯三首

小重山二首

離別難一首

相見歡一首

醉公子一首

女冠子二首

謁金門一首

牛嶠五首

柳枝五首

卷四

牛嶠二十六首

女冠子四首

夢江南二首

感恩多二首

應天長二首

更漏子三首

望江怨一首

菩薩蠻七首

酒泉子一首

定西番一首

玉樓春一首

西溪子一首

江城子二首

張泌二十三首

浣溪沙十首

臨江仙一首

女冠子一首

河傳二首

酒泉子一首

生查子一首

思越人一首

滿宮花一首

柳枝一首

南歌子三首

卷五

張泌四首

江城子二首

河瀆神一首

胡蝶兒一首

毛文錫三十一首

虞美人二首

酒泉子一首

喜遷鶯一首

贊成功一首

西溪子一首

中興樂一首

更漏子一首

接賢賓一首

贊浦子一首

甘州遍二首

紗窓恨二首

柳含烟四首

醉花間二首

浣溪沙二首

月宮春一首

戀情深二首

訴衷情二首

應天長一首

河滿子一首

巫山一段雲一首

臨江仙一首

牛希濟十一首

臨江仙七首

酒泉子一首

生查子一首

中興樂一首

謁金門一首

歐陽炯四首

浣溪沙三首

三字令一首

卷六

歐陽炯十三首

南鄉子八首

獻衷心一首

賀明朝二首

江城子一首

鳳樓春一首

和凝二十首

小重山二首

臨江仙二首

菩薩蠻一首

山花子二首

河滿子二首

薄命女一首

望梅花一首

天仙子二首

春光好二首

採桑子一首

柳枝三首

漁父一首

顧夔十八首

虞美人六首

河傳三首

甘州子五首

玉樓春四首

卷七

顧夔三十七首

浣溪沙八首

酒泉子七首

楊柳枝一首

遐方怨一首

獻衷心一首

應天長一首

訴衷情二首

荷葉盃九首

漁歌子一首

臨江仙三首

醉公子二首

更漏子一首

孫光憲十三首

浣溪沙九首

河傳四首

卷八

孫光憲四十七首

菩薩蠻五首

河瀆神二首

虞美人二首

後庭花二首

生查子三首

臨江仙二首

酒泉子三首

清平樂二首

更漏子二首

女冠子二首

風流子三首

定西番二首

河滿子一首

玉胡蝶一首

八拍蠻一首

竹枝一首

思帝鄉一首

上行盃二首

謁金門一首

思越人二首

楊柳枝四首

望梅花一首

漁歌子二首

魏承班二首

菩薩蠻二首

卷九

魏承班十三首

滿宮花一首

木蘭花一首

玉樓春二首

訴衷情五首

生查子二首

黃鍾樂一首

漁歌子一首

鹿虔扈六首

臨江仙二首

女冠子二首

思越人一首

虞美人一首

閻選八首

虞美人二首

臨江仙二首

浣溪沙一首

八拍蠻二首

河傳一首

尹鶚六首

臨江仙二首

滿宮花一首

杏園芳一首

醉公子一首

菩薩蠻一首

毛熙震十六首

浣溪沙七首

臨江仙二首

更漏子二首

女冠子二首

清平樂一首

南歌子二首

卷十

毛熙震十三首

河滿子二首

小重山一首

定西番一首

木蘭花一首

後庭花三首

酒泉子二首

菩薩蠻三首

李珣三十七首

浣溪沙四首

漁歌子四首

巫山一段雲二首

臨江仙二首

南鄉子十首

女冠子二首

酒泉子四首

望遠行二首

菩薩蠻三首

西溪子一首

虞美人一首

河傳二首

臣等謹案花間集十卷後蜀趙崇祚編崇祚

字弘基事益昶為衛尉少卿而不詳其里貫
十國春秋亦不為立傳案蜀有趙崇韜為中
書令廷隱之子崇祚疑即其兄弟行也詩餘
變體濫觴於唐而盛行於五代自宋以後家
數益繁選錄益衆而溯源星宿當以此集為
最古唐末名家詞曲俱賴以僅存陳振孫謂
所錄自溫庭筠而下十八人凡五百首今逸
其二坊刻妄有增加殊失其舊此為明毛晉

以家藏宋刻重刊之本猶為精審前有歐陽
烱序後有陸游跋烱序作於益昶廣政三年
乃晉高祖之天福五年烱仕蜀官至翰林學
士中書舍人工於詩詞其漁父歌尤為詞家
所稱道云乾隆四十一年四月恭校上

總纂官臣紀昀臣陸錫熊臣孫士毅

總校官臣陸費墀

花間集原序

鏤玉雕瓊擬化工而迴巧裁花剪葉奪春豔以爭鮮是以唱雲謠則金母詞清挹霞醴則穆王心醉名高白雪聲聲而自合鸞歌響遏青雲字字而偏諧鳳律楊柳大堤之句樂府相傳芙蓉曲渚之篇豪家自製莫不爭高門下三千璫瑁之簪競富樽前數十珊瑚之樹則有綺筵公子繡幌佳人遞葉葉之花牋文抽麗錦舉纖纖之玉指拍按香檀不無清絕之辭用助嬌嬈之態自南朝

之宮體扇北里之倡風何止言之不文所謂秀而不實
有唐已降率土之濱家家之香徑春風寧尋越豔處處
之紅樓夜月自鎖嫦娥在明皇朝則有李太白應制清
平樂詞四首近代溫飛卿復有金筌集邇來作者無愧
前人今衛尉少卿字弘基以拾翠洲邊自得羽毛之異
織綃泉底獨殊機杼之功廣會衆賓時延佳論因集近
來詩客曲子詞五百首分為十卷以烟簾預知音辱請
命題仍為序引昔郢人有歌陽春者號為絕唱乃命之

為花間集庶以陽春之曲將使西園英哲用資羽蓋之
歡南國嬋娟休唱蓮舟之引昔大蜀廣政三年夏四月
日歐陽炯序

欽定四庫全書

花間集卷一

五十首

後蜀 趙崇祚 編

溫庭筠五十首

菩薩蠻十四首

更漏子六首

歸國遙二首

酒泉子四首

定西番三首

楊柳枝八首

南歌子七首

河瀆神三首

女冠子二首

玉胡蝶一首

菩薩蠻

溫庭筠

小山重疊金明滅。鬢雲欲度香顚雪。
嬾起畫蛾眉。弄粧梳洗遲。
照花前後鏡。花面交相映。
新帖綉羅襦。雙雙金鷓鴣。

水精簾裏頗黎枕。暖香惹夢鴛鴦錦。
江上柳如烟。雁飛殘月天。
藕絲秋色淺。人勝參差剪。
雙鬢隔香紅。玉釵頭上風。

蕊黃無限當山額宿粧隱笑紗窓隔相見牡丹時暫來
還別離 翠釵金作股釵上蝶雙舞心事竟誰知月明
花滿枝

翠翹金縷雙鸚鵡水紋細起春池碧池上海棠梨雨晴
紅滿枝 綉衫遮笑靨烟草粘飛蝶青瑣對芳菲玉門
音信稀

杏花含露團香雪綠楊陌上多離別燈在月朧明覺來
聞曉鶯 玉鈎褰翠幕粧淺舊眉薄春夢正關情鏡中

蟬鬢輕

玉樓明月長相憶
柳絲裊娜春無力
門外草萋萋送君
聞馬嘶
畫羅金翡翠
香燭銷成淚
花落子規啼
綠窓殘夢迷

鳳皇相對盤金縷
牡丹一夜經微雨
明鏡照新粧
鬢輕
雙臉長
畫樓相望久
闌外垂絲柳
音信不歸來
社前雙燕迴

牡丹花謝鶯聲歇
綠楊滿院中庭月
相憶夢難成
背窓

燈半明 翠鈿金壓臉寂寞香閨掩人遠淚闌干燕飛
春又殘

滿宮明月梨花白故人萬里關山隔金雁一雙飛淚痕
沾綉衣 小園芳草綠家住越溪曲楊柳色依依燕歸
君不歸

寶函鈿雀金鸂鶒沉香閣上吳山碧楊柳又如絲驛橋
春雨時 畫樓音信斷芳草江南岸鸞鏡與花枝此情
誰得知

南園滿地堆輕絮愁聞一霎清明雨雨後却斜陽杏花
零落香無言勻睡臉枕上屏山掩時節欲黃昏無膠
獨倚門

夜來皓月纔當午重簾悄悄無人語深處麝烟長卧時
留薄粧當年還自惜往事那堪憶花露月明殘錦衾
知曉寒

雨晴夜合玲瓏日萬枝香裊紅絲拂閒夢憶金堂滿庭
萱草長
綉簾垂景景
靦眉黛遠山綠春水渡溪橋凭闌

魂欲銷

竹風輕動庭除冷
珠簾月上玲瓏影
山枕隱穠粧綠檀
金鳳皇
兩蛾愁黛淺
故國吳宮遠
春恨正關情
畫樓殘點聲

更漏子

柳絲長
春雨細
花外漏聲迢遞驚
塞雁起
城烏畫屏金
鷓鴣
香霧薄
透簾幕
惆悵謝家池閣
紅燭背
綉簾垂
夢長君不知

星斗稀鍾鼓歇簾外曉鶯殘月蘭露重柳風斜滿庭堆
落花 虛閣上倚闌望還似去年惆悵春欲暮思無窮
舊歡如夢中

金雀釵紅粉面花裏暫時相見知我意感君憐此情須
問天 香作穗螭成淚還似兩人心意山枕膩錦衾寒
覺來更漏殘

相見稀相憶久眉淺淡烟如柳垂翠幕結同心待郎熏
綉衾 城上月白如雪蟬鬢美人愁絕官樹暗鵲橋橫

玉籤初報明

背江樓臨海月城上角聲鳴咽堤柳動島烟昏兩行征
雁分京口路歸帆渡正是芳菲欲度銀燭盡玉繩低
一聲村落雞

玉爐香紅蠟淚偏照畫堂秋思眉翠薄鬢雲殘夜長衾
枕寒梧桐樹三更雨不道離情正苦一葉葉一聲聲
空階滴到明

歸國遙

香玉翠鳳寶釵垂景敕鈿筐交勝金粟越羅春水綠
畫堂照簾殘燭夢餘更漏促謝娘無限心曲曉屏山斷
續

雙臉小鳳戰篋金飈豔舞衣無力風斂藕絲秋色染
錦帳綉幃斜掩露珠清曉簾粉心黃蕊花靨黛眉山兩
點

酒泉子

花映柳條開向綠萍池上凭闌干窺細浪雨蕭蕭近

來音信兩疎索洞房空寂寞掩銀屏垂翠箔度春宵
日映紗窓金鴨小屏山碧故鄉春烟靄隔背蘭缸宿
粧惆悵倚高閣千里雲影薄草初齊花又落燕雙雙
楚女不歸樓枕小河春水月孤明風又起杏花稀玉
釵斜簪雲鬟髻裙上金縷鳳八行書千里夢雁南歸
羅帶惹香猶繫別時紅豆淚痕新金縷舊斷離腸一
雙嬌燕語彫梁還是去年時節綠楊濃芳草歇柳花狂

定西番

漢使昔年離別攀弱柳折寒梅上高臺 千里玉關春
雪雁來人不來羌笛一聲愁絕月徘徊
海燕欲飛調羽萱草綠杏花紅隔簾櫳 雙鬢翠霞金
縷一枝春豔濃樓上月明三五鐫窓中
細雨曉鶯春晚人似玉柳如眉正相思 羅幕翠簾初
捲鏡中花一枝腸斷塞門消息雁來稀

楊柳枝

宜春苑外最長條閑裊春風伴舞腰正是玉人腸絕處

一渠春水赤闌橋

南內牆東御路傍
須知春色柳絲黃
杏花未肯無情思
何事行人最斷腸

蘇小門前柳萬條
毵毵金線拂平橋
黃鸝不語東風起
深閉朱門伴舞腰

金縷毵毵碧瓦溝
六宮眉黛惹春愁
晚來更帶龍池雨
半拂闌干半入樓

館娃宮外鄴城西
遠映征帆近拂堤
繫得王孫歸意切

不同芳草綠萋萋

兩兩黃鸝色似金
裊枝啼露動芳音
春來幸自長如線
可惜牽纏蕩子心

御柳如絲映九重
鳳皇窻映綉芙蓉
景陽樓畔千條路
一面新粧待曉風

織錦機邊語頻停
梭垂淚憶征人
塞門三月猶蕭索
縱有垂楊未覺春

南歌子

手裏金鸚鵡胸前繡鳳皇
偷眼暗形相不如從嫁與作
鴛鴦

似帶如絲柳團蘇握雪花
簾捲玉鈎斜九衢塵欲莫逐
香車

鬢墮低梳髻連娟細掃眉
終日兩相思為君憔悴盡百
花時

臉上金霞細眉間翠鈿深
欹枕覆鴛衾隔簾鴛百轉感
君心

撲蕊添黃子呵花滿翠鬟
鴛枕映屏山月明三五夜對
芳顏

轉盼如波眼娉婷似柳腰
花裏暗相招憶君腸欲斷恨
春宵

嬾拂鴛鴦枕休縫翡翠裙
羅帳罷爐熏近來心更切為
思君

河瀆神

河上望叢祠廟前春雨來時
楚山無限鳥飛遲蘭棹空

傷別離 何處杜鵑啼不歇
豔紅開盡如血 蟬鬢美人
愁絕 百花芳草佳節

孤廟對寒潮 西陵風雨蕭蕭
謝娘惆悵倚蘭橈 淚流玉
筯千條 莫天愁聽思歸落
早梅香滿山郭 回首兩情

蕭索 離魂何處飄泊

落一作樂

銅鼓賽神來滿庭 幡蓋徘徊水村
江浦過風雷 楚山如
畫烟開 離別櫓聲空蕭索
玉容惆悵粧薄 青夢燕飛
落落捲簾愁對珠閣

女冠子

含嬌含笑宿翠殘紅窈窕鬢如蟬寒玉簪秋水輕紗捲
碧烟雪胸鸞鏡裏琪樹鳳樓前寄語青娥伴早求仙
霞帔雲髮鈿鏡仙容似雪畫愁眉遮語迴輕扇含羞下
綉幃玉樓相望久花洞恨來遲早晚乘鸞去莫相遺

玉胡蝶

秋風淒切傷離行客未歸時塞外草先衰江南雁到遲
芙蓉凋嫩臉楊柳墮新眉搖落使人悲斷腸誰得知

欽定四庫全書



花間集

花間集卷一

欽定四庫全書

花間集卷二

四十九首

後蜀 趙崇祚 編

溫庭筠十六首

清平樂二首

遐方怨二首

訴衷情一首

思帝鄉一首

夢江南二首

河傳三首

蕃女怨二首

荷葉盃三首

皇甫松十一首

天仙子二首

浪濤沙二首

楊柳枝二首

摘得新二首

夢江南二首

採蓮子一首

韋莊二十二首

浣溪沙五首

菩薩蠻五首

歸國遙三首

應天長二首

荷葉盃二首

清平樂四首

望遠行一首

清平樂

溫庭筠

上陽春晚宮女愁蛾淺
新歲清平思同輦
爭那長安路遠
鳳帳鴛被徒熏寂寞
花鐸千門競把黃金買賦為妾
將上明君

洛陽愁絕楊柳花飄雪
終日行人爭攀折
橋下水流鳴咽
上馬爭勸離觴南浦鶯聲斷腸
愁殺平原年少迴首揮淚千行

遐方怨

憑綉檻解羅幃未得君書斷腸瀟湘春雁飛不知征馬
幾時歸海棠花謝也雨霏霏

花半拆雨初晴未捲珠簾夢殘惆悵聞曉鶯宿粧眉淺
粉山橫約鬟鸞鏡裏綉羅輕

訴衷情

鶯語花舞春晝午雨霏微金帶枕宮錦鳳皇帷柳弱蜨
交飛依依遼陽音信稀夢中歸

思帝鄉

花花滿枝紅似霞
羅袖畫簾腸斷卓香車
迴面共人間
語戰篋金鳳斜
唯有阮郎春盡不歸家

夢江南

千萬恨恨極在天涯
山月不知心裏事
水風空落眼前
花搖曳碧雲斜

梳洗罷獨倚望江樓
過盡千帆皆不是
斜暉脈脈水悠悠
腸斷白蘋洲

河傳

江畔相喚曉粧鮮
仙景箇女採蓮
請君莫向那岸邊
少年好花新滿船
紅袖搖曳逐風暖
垂玉腕腸向柳絲

斷浦南歸浦北歸
莫知晚來人已稀

鮮一作仙

湖上閒望雨蕭蕭
烟浦花橋路遙
謝娘翠蛾愁不銷
終朝夢魂迷晚潮
蕩子天涯歸棹遠
春已晚鶯語空腸
斷若耶溪溪水西
柳堤不聞郎馬嘶

同伴相喚杏花稀
夢裏每愁依違
仙客一去燕已飛
不

歸淚痕空滿衣 天際雲鳥引情遠春已晚烟靄渡南
苑雪梅香柳帶長小娘轉令人意傷

蕃女怨

萬枝香雪開已遍細雨雙燕鈿蟬箏金雀扇畫梁相見
雁門消息不歸來又飛迴

磧南沙上驚雁起飛雪千里玉連環金鏃箭年年征戰
畫樓離恨錦屏空杏花紅

荷葉盃

一點露珠凝冷波影滿池塘綠莖紅豔兩相亂腸斷水
風涼

鏡水夜來秋月如雪採蓮時小娘紅粉對寒浪惆悵正
思惟

楚女欲歸南浦朝雨濕愁紅小船搖漾入花裏波起隔
西風

天仙子

皇甫松

晴野鷺鷥飛一隻水荇花發秋江碧劉郎此日別天仙

登綺席淚珠滴十二晚峰高歷歷

躑躅花開紅照水鷓鴣飛遶青山背行人經歲始歸來
千萬里錯相倚懊惱天仙應有以

浪濤沙

灘頭細草接疎林浪惡罾船半欲沉宿鷺眠鷗飛舊浦
去年沙背是江心

蠻歌豆蔻北人愁浦雨杉風野艇秋浪起鵝鵲眠不得
寒沙細細入江流

楊柳枝

春入行宮映翠微
玄宗侍女舞烟絲
如今柳向空城綠
玉笛何人更把吹

爛漫春歸水國時
吳王宮殿柳絲垂
黃鸝長叫空閨畔
西子無因更得知

摘得新

酌一卮
須教玉笛吹
錦筵紅蠟燭
莫來遲
繁紅一夜經
風雨是空枝

摘得新枝枝葉葉春管絃
魚美酒最關人平生那得幾
十度展香茵

夢江南

蘭燼落屏上暗紅蕉閑夢江南
梅熟日夜船吹笛雨蕭蕭
蕭人語驛邊橋

樓上寢殘月下簾旌夢見秣陵
惆悵事桃花柳絮滿江
城雙髻坐吹笙

採蓮子

苗苗香蓮十頃陂

舉棹

小姑貪戲採蓮遲

年少

晚來弄水船頭濕

舉棹

更脫紅裙裹鴨兒

年少

船動湖光灩灩秋

舉棹

貪看年少信船流

年少

無端隔水拋蓮子

舉棹

遥被人知半日羞

年少

浣溪沙

韋莊

清曉粧成寒食天
柳毬斜裊間花鈿
捲簾直出畫堂前

指點牡丹初綻朵
日高猶自凭朱欄
含顰不語恨春

殘

欲上鞦韆四體慵擬交人送又心忪畫堂簾幕月明風
此夜有情誰不極隔牆梨雪又玲瓏玉容憔悴惹微

紅

惆悵夢餘山月斜孤燈照壁背紅紗小樓高閣謝娘家
暗想玉容何所似一枝春雪凍梅花滿身香霧簇朝

霞

綠樹藏鶯鶯正啼柳絲斜拂白銅堤弄珠江上草萋萋
日莫飲歸何處客綉鞍驄馬一聲嘶滿身蘭麝醉如

泥

夜夜相思更漏殘傷心明月凭闌干想君思我錦衾寒
咫尺畫堂深似海憶來唯把舊書看幾時攜手入長
安

菩薩蠻

紅樓別夜堪惆悵香燈半捲流蘇帳殘月出門時美人
和淚辭琵琶金翠羽絃上黃鸝語勸我早歸家綠窻
人似花

人人盡說江南好遊人只合江南老春水碧於天畫船
聽雨眠 鑪邊人似月皓腕凝雙雪未老莫還鄉還鄉
須斷腸

如今却憶江南樂當時年少春衫薄騎馬倚斜橋滿樓
紅袖招 翠屏金屈曲醉入花叢宿此度見花枝白頭
誓不歸

勸君今夜須沉醉樽前莫話明朝事珍重主人心酒深
情亦深 須愁春漏短莫訴金盃滿遇酒且呵呵人生

能幾何

洛陽城裏春光好洛陽才子他鄉老柳暗魏王堤此時
心轉迷桃花春水綠水上鴛鴦浴凝恨對殘暉憶君
君不知

歸國遙

春欲莫滿地落花紅帶雨惆悵玉籠鸚鵡單栖無伴侶
南望去程何許問花花不語早晚得同歸去恨無雙
翠羽

金翡翠為我南飛傳我意
卷画橋邊春水幾年花下醉
別後只知相愧淚珠難遠寄
羅幙綉幃鴛被舊歡如夢裏

春欲晚戲蝶遊蜂花爛漫
日落謝家池館柳絲金縷斷
睡覺綠鬟風亂畫屏雲雨散
閒倚博山長歎淚流沾皓腕

應天長

綠槐陰裏黃鸝語
深院無人春晝午
畫簾垂金鳳舞寂

金人集卷二
寔綉屏香一炷 碧天雲無定處空有夢魂來去夜夜
綠窓風雨斷腸君信否

別來半歲音書絕一寸離腸千萬結難相見易相別又
是玉樓花似雪 暗相思無處說惆悵夜來烟月想得
此時情切淚沾紅袖黦

荷葉盃

絕代佳人難得傾國花下見無期一雙愁黛遠山眉不
忍更思惟 閒掩翠屏金鳳殘夢羅幕畫堂空碧天無

路信難通惆悵舊房櫳

記得那年花下深夜初識謝娘時
水堂西面畫簾垂攜
手暗相期
惆悵曉鶯殘月相別從此隔音塵
如今俱
是異鄉人相見更無因

清平樂

春愁南陌故國音書隔
細雨霏霏梨花白
鶯拂畫簾金
額
盡日相望王孫塵滿衣上淚痕誰向橋邊吹笛駐
馬西望銷魂

野花芳草寂寞關山道柳吐金絲鶯語早惆悵香閨暗
老羅帶悔結同心獨凭朱闌思深夢覺半牀斜月小
窻風觸鳴琴

何處遊女蜀國多雲雨雲解有情花解語窄地綉羅金
縷粧成不整金鈿含羞待月鞦韆住在綠槐陰裏門
臨春水橋邊

鶯啼殘月綉閣香燈滅門外馬嘶郎欲別正是落花時
節粧成不畫蛾眉含愁獨倚金扉去路香塵莫掃掃

卽郎去歸遲

望遠行

欲別無言倚畫屏
含恨暗傷情
謝家庭樹錦雞鳴
殘月落邊城
人欲別馬頻嘶
綠槐千里長堤出
門芳草路
萋萋雲雨別來易
東西不忍別君後
却入舊香閨

花間集卷二

欽定四庫全書

花間集卷三

五十首

後蜀 趙崇祚 編

韋莊二十五首

謁金門二首

江城子二首

河傳三首

天仙子五首

喜遷鶯二首

思帝鄉二首

訴衷情二首

上行盃二首

女冠子二首

更漏子一首

酒泉子一首

木蘭花一首

小重山一首

薛昭蘊十九首

浣溪沙八首

喜遷鶯三首

小重山二首

離別難一首

相見歡一首

醉公子一首

女冠子二首

謁金門一首

牛嶠五首

柳枝五首

謁金門

韋莊

春漏促金燼暗挑殘燭一夜簾前風撼竹夢魂相斷續
有箇嬌嬈如玉夜夜綉屏孤宿閒抱琵琶尋舊曲遠
山眉黛綠

空相憶無計得傳消息天上嫦娥人不識寄書何處覓
新睡覺來無力不忍把君書跡滿院落花春寂寂斷

腸芳草碧

江城子

恩重嬌多情易傷
漏更長解鴛鴦
朱唇未動先覺口脂
香緩揭綉衾
抽皓腕移鳳枕
枕潘郎

髻鬟狼籍黛眉長
出蘭房別檀郎
角聲嗚咽星斗漸微
茫露冷月殘人未起
留不住淚千行

河傳

何處烟雨隋堤春
暮柳色惹龍畫橈
金縷翠旗高颭香

風水光融 青娥殿脚春粧媚
輕雲裏綽約司花妓
江都宮闕清淮月映迷樓古今愁

春晚風暖錦城花滿狂殺遊人
玉鞭金勒尋勝馳驟輕塵惜良晨
翠娥爭勸臨卣酒纖纖手拂面垂絲柳歸時烟裏鍾鼓正是黃昏暗銷魂

錦浦春女繡衣金縷霧薄雲輕
花深柳暗時節正是清明雨初晴
玉鞭魂斷烟霞路鶯鶯語一望巫山雨香塵隱映遙望翠檻紅樓黛眉愁

天仙子

帳望前回夢裏期，看花不語苦尋思。
露桃宮裏小腰肢，眉眼細，鬢雲垂，
唯有多情宋玉知。

深夜歸來長酩酊，扶入流蘇猶未醒。
醺醺酒氣麝蘭和，驚睡覺，笑呵呵，
長道人生能幾何。

蟾彩霜華夜不分，天外鴻聲枕上聞。
綉衾香冷嬾熏熏，人寂寂，葉紛紛，
纔睡依前夢見君。

夢覺雲屏依舊空，杜鵑聲咽隔簾櫳。
玉郎薄倖去無蹤。

一日日恨重重淚界蓮腮兩線紅

金似衣裳玉似身眼如秋水鬢如雲霞裙月帔一羣羣
來洞口望烟分劉阮不歸春日曛

喜遷鶯

人沟沟鼓夔夔襟袖五更風大羅天上月朦朧騎馬上
虛空香滿衣雲滿路鸞鳳遶身飛舞霓旌絳節一羣
羣引見玉華君

街鼓動禁城開天上探人迴鳳銜金榜出門來平地一

聲雷 鶯已遷龍已化一夜滿城車馬家家樓上簇神

仙爭看鶴沖天

門一作雲

思帝鄉

雲髻墜鳳釵垂髻墜釵垂無力枕函敲翡翠屏深月落
漏依依說盡人間天上兩心知

春日遊杏花吹滿頭陌上誰家年少足風流妾擬將身
嫁與一生休縱被無情弃不能羞

訴衷情

燭燼香殘簾半捲夢初驚花欲謝深夜月朧明何處按
歌聲輕輕舞衣塵暗生負春情

碧沼紅芳烟雨靜倚蘭橈垂玉佩交帶裊纖腰鴛夢隔
星橋迢迢越羅香暗銷墜花翹

上行盃

芳草灞陵春岸柳烟深滿樓絃管一曲離腸寸寸斷
今日送君千萬紅縷玉盤金縷盞須勸珍重意莫辭滿
白馬玉鞭金轡少年郎別離容易迢遞去程千萬里

惆悵異鄉雲水滿酌一盃勸和淚須愧珍重意莫辭醉

女冠子

四月十七正是去年今日別君時忍淚佯低面含羞半
斂眉不知魂已斷空有夢相隨除却天邊月沒人知
昨夜夜半枕上分明夢見語多時依舊桃花面頻低柳
葉眉半羞還半喜欲去又依依覺來知是夢不勝悲
更漏子

鍾鼓寒樓閣暝月照古桐金井深院閉小庭空落花香

露紅 烟柳重春霧薄燈背水窗高閣閒倚戶暗沾衣
侍郎郎不歸

酒泉子

月落星沉樓上美人春睡綠雲傾金枕膩畫屏深 子
規啼破相思夢曙色東方纔動柳烟輕花露重思難任

木蘭花

獨上小樓春欲暮愁望玉關芳草路消息斷不逢人却
斂細眉歸綉戶 坐看落花空歎息羅袂濕斑紅淚滴

千山萬水不曾行
魂夢欲教何處覓

小重山

一閉昭陽春又春
夜寒宮漏永
夢君恩
卧思陳事暗消魂
羅衣濕紅袂
有啼痕
歌吹隔重閣
遶庭芳草綠
倚長門
萬般惆悵向誰論
顯情立
宮殿欲黃昏

浣溪沙

薛昭蘊

紅蓼渡頭秋正雨
印沙鷗跡自成行
整鬟飄袖野風香
不語含顰深浦裏
幾迴愁煞棹船郎
鶯歸帆盡水茫茫

茫

鈿匣菱花錦帶垂
靜臨蘭檻卸頭時
約鬟低珥算歸期
花茂草青湘渚濶
夢餘空有漏依依
二年終日損芳菲

粉上依稀有淚痕
郡庭花落欲黃昏
遠情深恨與誰論
記得去年寒食日
延秋門外卓金輪
日斜人散暗銷魂

握手河橋柳似金
蜂鬚輕惹百花心
蕙風蘭思寄清琴

意滿便同春水滿情深還似酒盃深楚烟湘月兩沉
沉

簾下三間出寺墻滿街垂柳綠陰長嫩紅輕翠間濃粧
瞥地見時猶可可却來閑處暗思量如今情事隔仙
鄉

江館清秋纜客船故人相送夜開筵麝烟蘭燄簇花鈿
正是斷魂迷楚雨不堪離恨咽湘絃月高霜白水連
天

傾國傾城恨有餘，幾多紅淚泣姑蘇。
倚風凝睇雪肌膚。
吳主山河空落日，越王宮殿半平蕪。
藕花菱蔓滿重湖。

越女淘金春水上，步搖雲鬢珮鳴璫。
渚風江草又清香。
不為遠山凝翠黛，只應含恨向斜陽。
碧桃花謝憶劉郎。

喜遷鶯

殘蟾落曉鐘鳴，羽化覺身輕。
乍無春睡，有餘醒否，苑雪

欽定四庫全書

初晴 紫陌長襟袖冷不是人間風景迴看塵土似前
生休羨谷中鷲

金門曉玉京春駿馬驟輕塵樺烟深處白衫新認得化
龍身 九陌喧千戶啓滿袖桂香風細杏園歡宴曲江
濱自此占芳辰

清明節雨晴天得意正當年馬驕泥軟錦連錢香細半
籠鞭 花色融人競賞盡是綉鞍朱鞅日斜無計更留
連歸路草和烟

小重山

春到長門春草青玉堦華露滴月朧明東風吹斷玉簫聲
宮漏促簾外曉啼鴛愁起夢難成紅粧流宿淚不勝情
手按弔帶遶宮行思君切羅幌暗塵生

秋到長門秋草黃畫梁雙燕去出宮牆玉簫無復理霓裳
金蟬墜鸞鏡掩休粧憶昔在昭陽舞衣紅綬帶綉鴛鴦
至今猶惹御爐香魂夢斷愁聽漏更長

離別難

寶馬曉鞚彫鞍羅幃乍別情難那堪春景媚送君千萬
里半粧珠翠落露華寒紅蠟燭青絲曲偏能鈎引淚闌
干良夜促香塵綠魂欲迷檀眉半斂愁低未別心先
咽欲語情難說出芳草路東西揺袖立春風急櫻花楊
柳雨淒淒

相見歡

羅襦繡袂香紅畫堂中細草平沙著馬小屏風
卷羅幕凭粧閤思無窮暮雨輕烟魂斷隔簾櫳

醉公子

慢綰青絲髮光研吳綾襪
床上小薰籠韶州新退紅
叵耐無端處捻得從頭汚
惱得眼慵開問人閑事來

女冠子

求仙去也翠鈿金篦盡捨入
岳巒霧捲黃羅帳雲彫白
玉冠野烟溪洞冷林月石橋寒
靜夜松風下禮天壇
雲羅霧縠新授明威法籙降
真函髻綰青絲髮冠抽碧玉
簪往來雲過五去住鳥經三
正遇劉郎使啟瑤緘

謁金門

春滿院疊損羅衣金線睡覺水精簾未捲簷前雙語鶯
斜掩金鋪一扇滿地落花千片早是相思腸欲斷忍
教頻夢見

楊柳枝

牛嶠

解凍風來陌上青半垂羅袖拜卿卿無端裊娜臨官路
舞送行人過一生


吳王宮裏色偏深一簇纖條萬縷金不憤錢塘蘇小小

引郎松下結同心

橋北橋南千萬條
恨伊張緒不相饒
金羈白馬臨風望
認得楊家靜婉腰

狂雪隨風撲馬飛
惹烟無力被春欺
莫教移入靈和殿
宮女三千又妬伊

裊翠籠烟拂暖波
舞裙新染麴塵羅
章華臺畔隋堤上
傍得春風爾許多



花間集卷三

欽定四庫全書

集部
花間集卷
四至
六

詳校官編修臣周瓊

侍讀臣孫球覆勘

總校官庶吉士臣張能照

校對官編修臣裴謙

謄錄監生臣倪時慶

欽定四庫全書

花間集卷四

五十首

後蜀 趙崇祚 編

牛嶠二十六首

女冠子四首

夢江南二首

感恩多二首

應天長二首

更漏子三首

望江怨一首

菩薩蠻七首

酒泉子一首

定西番一首

玉樓春一首

西溪子一首

江城子二首

張泌二十三首

浣溪沙十首

臨江仙一首

女冠子一首

河傳二首

酒泉子二首

生查子一首

思越人一首

滿宮花一首

柳枝一首

南歌子三首

女冠子

牛嶠

綠雲高髻點翠勻紅時
世月如眉淺笑含雙靨
低聲唱小詞
眼看唯恐化魂蕩欲相隨
玉趾迴嬌步約佳期
錦江烟水卓女燒春濃
美小檀霞綉帶芙蓉帳
金釵芍藥花
額黃侵膩髮臂釧透紅紗
柳暗鶯啼處認郎家
星冠霞帔住在蕊珠宮
裏佩丁當明翠搖蟬翼
織桂理宿粧
醺壇春草綠藥院杏花
香青鳥傳心事寄劉郎
雙飛雙舞春晝後園鶯
語卷羅幃錦字書封了
銀河雁

過遲 鴛鴦排寶帳 荳蔻繡連枝 不語勻珠淚 落花時

夢江南

銜泥鶯飛到畫堂前 占得杏梁安穩處 體輕唯有主人
憐 堪羨好因緣

紅綉被兩兩間 鴛鴦不是鳥中偏 愛爾為緣交頸睡 南
塘全勝薄情郎

感恩多

兩條紅粉淚 多少香閨意 強攀桃李枝 斂愁眉 陌上

鷓鴣啼蝶舞柳花飛柳花飛願得郎心意家還早歸
自從南浦別愁見丁香結近來情轉深憶鴛衾幾度
將書託烟雁淚盈襟淚盈襟禮月求天願君知我心

應天長

玉樓春望晴烟滅舞衫斜捲金條脫黃鸝嬌轉聲初歇
杏花飄盡龍山雪鳳釵低赴節筵上王孫愁絕鴛鴦
對街羅結兩情深夜月

雙眉澹薄藏心事清夜背燈嬌又醉玉釵橫山枕膩寶

帳鴛鴦春睡美 別經時無限意
虛道相思憔悴莫信
綵牋書裏賺人腸斷字

更漏子

星漸稀漏頻轉何處輪臺聲怨
香閣掩杏花紅月明楊
柳風 挑錦字記情事
唯願兩心相似收淚語
背燈眠
玉釵橫枕邊

春夜闌更漏促金燼暗挑殘燭
驚夢斷錦屏深兩鄉明
月心 閨草碧望歸客
還是不知消息辜負我
悔憐君

告天天不聞

南浦情紅粉淚爭奈兩人深意低翠黛卷征衣馬嘶霜
葉飛 招手別寸腸結還是去年時節書託雁夢歸家
覺來江月斜

望江怨

東風急惜別花時手頻執羅幃愁獨入馬嘶殘雨春蕪
濕倚門立寄語薄情郎粉香和淚泣

菩薩蠻

舞裙香暖金泥鳳，畫梁語鶯驚殘夢。
門外柳花飛，玉郎猶未歸。
愁勻紅粉淚，眉剪春山翠。
何處是遼陽，錦屏春晝長。

柳花飛處鶯聲急，晴街春色香車立。
金鳳小簾開，臉波和恨來。
今宵求夢想，難到青樓上。
贏得一場愁，鴛衾誰並頭。

玉釵風動春幡急，交枝紅杏籠烟泣。
樓上望卿卿，窻寒新雨晴。
薰爐蒙翠被，綉帳鴛鴦睡。
何處有相知，羨他

初畫眉

畫屏重疊巫陽翠
楚神尚有行雲意
朝暮幾般心向他
情謾深
風流今古隔虛作瞿塘客
山月照山花夢迴
燈影斜

風簾驚舞鶯啼柳粧臺約鬢低
纖手釵重髻盤珊一枝
紅牡丹
門前行樂客
白馬嘶春色
故故墜金鞭迴頭
應眼穿

綠雲鬢上飛金雀
愁眉斂翠春烟薄
香閣掩芙蓉畫屏

山幾重 窓寒天欲曙猶結同心苴啼粉污羅衣問郎
何日歸

玉樓冰簟鴛鴦錦粉融香汗流山枕簾外轆轤聲斂眉
含笑驚 柳陰烟漠漠低鬢蟬釵落須作一生拚盡君
今日歡

酒泉子

記得去年烟暖杏園花正發雪飄香江草綠柳絲長
鈿車纖手卷簾望眉學春山樣鳳釵低鬟翠鬟上落梅

粧

定西番

紫塞月明千里金甲冷戍樓寒夢長安
鄉思望中天
濶漏殘星亦殘畫角數聲嗚咽雪漫漫

玉樓春

春入橫塘搖淺浪花落小園空惆悵此情誰信為狂夫
恨翠愁紅流枕上
小玉窻前嗔鶯語紅淚滴穿金線
縷雁歸不見報郎歸織成錦字封過與

西溪子

捍撥雙盤金鳳蟬鬢玉釵搖動畫堂前人不語絃解語
彈到昭君怨處翠蛾愁不擡頭

江城子

鷓鴣飛起郡城東碧江空半灘風越王宮殿蘋葉藕花
中簾捲水樓魚浪起千片雪雨濛濛

極浦烟消水鳥飛離筵分首時送金卮渡口楊花狂雪
任風吹日暮空江波浪急芳草岸雨如絲

浣溪沙

張泌

鈿轂香車過柳堤
樺烟分處馬頻嘶
為他沉醉不成泥
花滿驛亭香露細
杜鵑聲斷玉蟾低
含情無語倚樓西

馬上凝情憶舊遊
照花淹竹小溪流
鈿箏羅幕玉搔頭
早是出門長帶月
可堪分袂又經秋
晚風斜日不勝愁

獨立寒堦望月華
露濃香泛小庭花
綉屏愁背一燈斜

雲雨自從分散後人間無路到仙家
但憑魂夢訪天涯

依約殘眉理舊黃翠鬟拋擲一簪長
暖風晴日罷朝粧
閑折海棠看又撚玉纖無力惹餘香
此情誰會倚斜陽

翡翠屏開綉幄紅謝娥無力曉粧慵
錦帷鴛被宿香濃
微雨小庭春寂寞驚鶯飛語隔簾櫳
杏花凝恨倚東風

枕障熏爐隔綉帷二年終日兩相思杏花明月始應知
天上人間何處去舊歡新夢覺來時黃昏微雨畫簾
垂

花月香寒悄夜塵綺筵幽會暗傷神嬋娟依約畫屏人
人不見時還暫語令纔拋後愛微嚬越羅巴錦不勝
春

偏戴花冠白玉簪睡容新起意沉吟翠鈿金縷鎮眉心
小檻日斜風悄悄隔簾零落杏花陰斷香輕碧鏤愁

深

晚逐香車入鳳城東風斜揭綉簾輕慢迴嬌眼笑盈盈
消息未通何計是便須佯醉且隨行依稀聞道太狂
生

小市東門欲雪天衆中依約見神仙蕊黃香畫貼金蟬
飲散黃昏人草草醉容無語立門前馬嘶塵烘一街
烟

臨江仙

烟收湘渚秋江靜
蕉花露泣愁紅
五雲雙鶴去無蹤
幾迴魂斷凝望向長空
翠竹暗留珠淚怨
閒調寶瑟波中花
鬟月鬢綠雲重
古祠深殿香冷雨和風

女冠子

露花烟草寂寞五雲三島正
春深貌減潛銷玉香殘尚
惹襟竹疎虛檻靜松密醺壇陰
何事劉郎去信沉沉

河傳

渺莽雲水惆悵莫帆去程
迢遞夕陽芳草千里萬里雁

聲無限起 夢魂悄斷烟波裏心如醉相見何處是錦
屏香冷無睡被頭多少淚

紅杏交枝相映密密濛濛一庭濃豔倚東風香融透簾
櫳 斜陽似共春光語蝶爭舞更引流鶯妬魂銷千片
玉罇前神仙瑤池醉莫天

酒泉子

春雨打窗驚夢覺來天氣曉畫堂深紅猷小背蘭缸
酒香噴鼻嬾開缸惆悵更無人共醉舊巢中新鶯子語

雙雙

紫陌青門三十六宮春色御溝輦路暗相通杏園風
咸陽沽酒寶釵空笑指未央歸去插花走馬落殘紅月
明中

生查子

相見稀喜相見相見還相遠檀畫荔枝紅金蔓蜻蜓軟
魚雁疎芳信斷花落庭陰晚可惜玉肌膚消瘦成慵
嬾

思越人

鷺雙飛鷺百轉越波堤下長橋鬪鈿花筐金匣恰舞衣
羅薄纖腰東風澹蕩慵無力黛眉愁聚春碧滿地落
花無消息月明腸斷空憶

滿宮花

花正芳樓似綺寂寞上陽宮裏鈿籠金鑠睡鴛鴦簾冷
露華珠翠嬌豔輕盈香雪膩細雨黃鸝雙起東風惆
悵欲清明公子橋邊沉醉

柳枝

膩粉瓊粧透碧紗
雪休誇金鳳搔頭墜
鬢斜髮交加
倚著雲屏新睡覺
思夢笑紅腮
隱出枕函花
有些些

南歌子

柳色遮樓暗
桐花落砌香
畫堂開處遠風涼
高卷水精簾
額襯斜陽

岸柳拖烟綠
庭花照日紅
數聲蜀魄入簾櫳
驚斷碧窻殘夢
畫屏空

錦薦紅鴻輶羅衣綉鳳皇綺疎飄雪北風狂簾幕盡坐
無事鬱金香

花間集卷四

欽定四庫全書

花間集卷五

五十首

後蜀 趙崇祚 編

張泌四首

江城子二首

河瀆神一首

胡蝶兒一首

毛文錫三十一首

虞美人二首

酒泉子一首



喜遷鶯一首

贊成功一首

西溪子一首

中興樂一首

更漏子一首

接賢賓一首

贊浦子一首

甘州遍二首

紗窓恨二首

柳含烟四首

醉花間二首

浣溪沙二首

月宮春一首

戀情深二首

訴衷情二首

應天長一首

河滿子一首

巫山一段雲一首

臨江仙一首

牛希濟十一首

臨江仙七首

酒泉子一首

生查子一首

中興樂一首

謁金門一首

歐陽炯四首

浣溪沙三首

三字令一首

江城子

張泌

碧闌干外小中庭。雨初晴。曉鶯聲。飛絮落花時節近。清
明睡起。卷簾無一事。勻面了。沒心情。

浣花溪上見卿卿。臉波秋。水明顰。眉輕綠。雲高綰。金簇
小蜻蜓。好是問他來得麼。和笑道。莫多情。

河瀆神

古樹噪寒鴉。滿庭楓葉蘆花。晝燈當午隔輕紗。畫閣珠
簾影斜。門外往來祈賽客。翩翩帆落天涯。迴首隔江

烟火渡頭三兩人家

胡蝶兒

胡蝶兒晚春時阿嬌初著淡黃衣倚窗學畫伊
還似花間見雙雙對對飛無端和淚拭燕脂惹教雙翅垂

虞美人

毛文錫

鴛鴦對浴銀塘暖水面蒲梢短垂楊低拂麴塵波
鮫絲結網露珠多滴圓荷
遙思桃葉吳江碧便是天河隔
錦鱗紅鬣影沉沉相思空有夢相尋意難任

寶檀金縷鴛鴦枕綬帶盤宮錦夕陽低映小窓明南園
綠樹語鶯鶯夢難成玉鑪香暖頻添炷滿地飄輕絮
珠簾不卷度沉烟庭前閒立畫鞦韆艷陽天

酒泉子

綠樹春深鶯語鶯啼聲斷續蕙風飄蕩入芳叢惹殘紅
柳絲無力裊烟空金盞不辭須滿酌海棠花下思朦朧
朧醉香風

喜遷鶯

芳草景暖晴烟喬木見鶯遷傳枝隈葉語關關飛過綺
叢間錦翼鮮金毳軟百轉千嬌相喚碧紗窓曉怕聞
聲驚破鴛鴦暖

贊成功

海棠未坼萬點深紅香包絨結一重重似含羞態邀勒
春風蜂來蝶去任遶芳叢昨夜微雨飄洒庭中忽聞
聲滴井邊桐美人驚起坐聽晨鐘快教折取戴玉瓏璁

西溪子

昨夜西溪遊賞芳樹奇花千樣鏤春光金罇滿聽絃管
嬌妓舞衫香暖不覺到斜暉馬馱歸

中興樂

豆蔻花繁烟豔深丁香軟結同心翠鬟女相與共淘金
紅蕉葉裏猩猩語鴛鴦浦鏡中鸞舞絲雨隔荔枝陰
更漏子

春夜闌春恨切花外子規啼月人不見夢難憑紅紗一
點燈偏怨別是芳卽庭下丁香千結宵霧散曉霞輝

梁間雙鷺飛

接賢賓

香鞵鏤襜五色驄
值春景初融
流珠噴沫
躑蹀汗血流
紅少年公子能乘馭
金鑣玉轡
瓏璁為惜
珊瑚鞭不
下驕生百步千蹤
信穿花從拂柳
向九陌追風

贊浦子

錦帳添香睡
金鑪換夕薰
嬾結芙蓉帶
慵拖翡翠裙
正是柳夭桃媚
那堪暮雨朝雲
宋玉高唐意
裁瓊欲贈

君

甘州遍

春光好公子愛閒遊足風流金鞍白馬雕弓寶劍紅纓
錦襜出長鞦花蔽膝玉街頭尋芳逐勝歡宴絲竹不
曾休美人唱揭調是甘州醉紅樓堯年舜日樂聖永無
憂

秋風緊平磧雁行低陣雲齊蕭蕭颯颯邊聲四起愁聞
戍角與征鼙青塚北黑山西沙飛聚散無定往往路

人迷鐵衣冷戰馬血沾蹄破蕃奚鳳皇詔下步步躡丹梯

紗窓恨

新春燕子還來至一雙飛壘巢泥濕時時墜
浣人衣後園裏看百花發香風拂綉戶金扉
月照紗窓恨依依雙雙蝶翅塗鉛粉晒花心
綺窓綉戶飛來穩畫堂陰

二三月愛隨飄絮伴落花來拂衣襟更剪輕羅片
傳黃金

柳含烟

隋堤柳汴河春夾岸綠陰千里龍舟鳳舸木蘭香錦帆
張因夢江南春景好一路流蘇羽葆笙歌未盡起橫
流鐫春愁

河橋柳占芳春映水含烟拂路幾迴攀折贈行人暗傷
神樂府吹為橫笛曲能使離腸斷續不如移植在金
門近天恩

章臺柳近垂旒低拂往來冠蓋朦朧春色滿皇州瑞烟

浮直與路邊江畔別免被離人攀折最憐京兆畫蛾眉葉纖時

御溝柳占春多半出宮牆婀娜有時倒影醺輕羅麴塵波昨日金鑾巡上苑風亞舞腰纖軟栽培得地近皇宮瑞烟濃

醉花間

休相問怕相問相問還添恨春生滿塘生瀾瀾還相赴昨日雨霏霏臨明寒一陣偏憶戍樓人久絕邊庭信

深相憶莫相憶相憶情難極銀漢是紅牆一帶遙相隔
金盤珠露滴兩岸榆花白風搖玉珮清今夕為何夕

浣溪沙

春水輕波浸綠苔枇杷洲上紫檀開晴日眠沙鷗鷺穩
暖相隈羅襪生塵游女過有人逢著弄珠迴蘭麝飄
香初解珮忘歸來

七夕年年信不違銀河清淺白雲微蟾光鵲影伯勞飛
每恨蟪蛄憐嫠女幾迴嬌妬下鴛機今宵嘉會兩依

依

月宮春

水晶宮裏桂花開
神仙探幾迴
紅芳金蕊綉重臺
低傾馬腦盃
玉兔銀蟾爭守護
姮娥姹女戲相隈
遙聽鈞天九奏
玉皇親看來

戀情深

滴滴銅壺寒漏咽
醉紅樓月宴餘
香殿會鴛衾
蕩春心
真珠簾下曉光侵
鶯語隔瓊林
寶帳欲開慵起
戀情

深

玉殿春濃花爛漫
簇神仙伴羅裙
牽地縷黃金奏清音
酒闌歌罷兩沉沉
一笑動君心
永願作鴛鴦伴
戀情深

訴衷情

桃花流水漾縱橫
春晝彩霞明
劉郎去阮郎
行惆悵恨難平
愁坐對雲屏
算歸程
何時攜手洞邊迎
訴衷情
鴛鴦交頸綉衣輕
碧沼藕花馨
隈藻行映蘭汀
和雨浴

浮萍 思婦對心驚想邊庭何時解珮掩雲屏訴衷情

應天長

平江波暖鴛鴦語兩兩釣船歸極浦蘆洲一夜風和雨
飛起淺沙翹雪鷺漁燈明遠渚蘭棹今宵何處羅袂
從鳳輕舉愁殺採蓮女

河滿子

紅粉樓前月照碧紗窻外鶯啼夢斷遼陽音信那堪獨
守空閨恨對百花時節王孫綠草萋萋

巫山一段雲

雨霽巫山上，雲輕映碧天。
遠風吹散又相連。
十二晚峰前，暗濕啼猿樹。
高籠過客船。
朝朝暮暮楚江邊。
幾度降神仙。

臨江仙

莫蟬聲盡落斜陽，銀蟾影挂瀟湘。
黃陵廟側水茫茫。
楚山紅樹，烟雨隔高唐。
岸泊漁燈風颭碎，白蘋遠散濃香。
靈娥鼓瑟韻清商。
朱絃淒切，雲散碧天長。

臨江仙

牛希濟

峭碧參差十二峰，冷煙寒樹重重。
瑤姬宮殿是仙蹤。
金鑪珠帳，香霏晝偏濃。
一自楚王驚夢斷，人間無路相逢。
至今雲雨帶愁容。
月斜江上，征棹動晨鐘。

謝家仙觀寄雲岑，岩蘿拂地成陰。
洞房不閉白雲深。
當時丹竈一粒化黃金。
石壁霞衣猶半挂，松風長似鳴琴。
時聞唳鶴起前林。
十洲高會，何處許相尋。

渭闕宮城秦樹凋，玉樓獨上無憀。
含情不語自吹簫。
調

清和恨天路逐風飄
何事乘龍人忽降似知深意相
招三清攜手路非遙世間屏障彩筆畫嬌嬈

江繞黃陵春廟閒嬌鶯獨語關關滿庭重疊綠苔斑陰
雲無事四散自歸山
簫鼓聲稀香燼冷月娥斂盡彎
環風流皆道勝人間須知狂客判死為紅顏

素洛春光潏潏平千重媚臉初生凌波羅襪勢輕輕烟
籠日照珠翠半分明
風引寶衣疑欲舞鸞迴鳳翥堪
驚也知心許恐無成陳王辭賦千載有聲名

柳帶搖風漢水濱
平蕪兩岸爭勻鴛鴦對浴浪痕新
弄珠游女微笑自含春
輕步暗移蟬鬢動羅裙
風惹輕塵水精宮殿豈無因
空勞纖手解珮贈情人

洞庭波浪颭晴天
君山一點凝烟
此中真境屬神仙
玉樓珠殿相映月輪邊
萬里平湖秋色冷
星辰垂影參然
橘林霜重更紅鮮
羅浮山下有路暗相連

酒泉子

枕轉簾涼清曉遠
鍾殘夢月光斜
簾影動舊爐香
夢

中說盡相思事纖手勻雙淚去年書今日意斷離腸

生查子

春山烟欲收天澹稀星小殘月臉邊明別淚臨清曉
語已多情未了回首猶重道記得綠羅裙處處憐芳草

一本無
已字

中興樂

池塘暖碧浸晴暉漾漾柳絮輕飛紅蕊凋來醉夢還稀
春雲空有雁歸珠簾垂東風寂寞恨郎拋擲淚濕羅

衣

謁金門

秋已暮重疊關山歧路嘶馬搖鞭何處去曉禽霜滿樹
夢斷禁城鍾鼓淚滴枕檀無數一點凝紅和薄霧翠
蛾愁不語

浣溪沙

歐陽炯

落絮殘鶯半日天玉柔花醉只思眠
惹窓映竹滿爐烟
獨掩畫屏愁不語
斜敲瑤枕髻鬟偏
此時心在阿誰

邊

天碧羅衣拂地垂美人初著更相宜
宛風如舞透香肌
獨坐含顰吹鳳竹園中緩步折花枝
有情無力泥人時

相見休言有淚珠
酒蘭重得敘歡娛
鳳屏鴛枕宿金鋪
蘭麝細香聞喘息
綺羅纖縷見肌膚
此時還恨薄情無

三字令

春欲盡日遲遲牡丹時羅幌卷翠簾垂彩牋書紅粉淚
兩心知人不在燕空歸負佳期香燼落枕函敲月分
明花澹薄惹相思

花間集卷五